



PDRM nafi pantau komunikasi kerabat Johor termasuk TMJ

BATU PAHAT: Polis Diraja Malaysia (PDRM) menafikan pihaknya memantau mana-mana peralatan komunikasi milik kerabat Johor termasuk milik Tunku Mahkota Johor (TMJ) Tunku Ismail Sultan Ibrahim.

Timbalan Ketua Polis Negara Tan Sri Noor Rashid Ibrahim turut menyatakan pihaknya juga tidak memantau media sosial milik Tunku Ismail termasuklah e-mel baginda.

Katanya, PDRM kini lebih memberi tumpuan kepada pemantauan aktiviti yang lebih menjurus kepada yang berkaitan dengan keselamatan negara seperti kumpulan ekstremis dan penganas.

“Di sini saya tegaskan yang kita tidak memantau mana-mana peralatan komunikasi baginda serta media sosial miliknya. Kita sudah mempunyai banyak urusan yang perlu dilakukan seperti memantau kumpulan penculikan, ek-

stremis dan sebagainya.

“Kita tidak membuat kerja pemantauan sedemikian kecuali jika ada yang memerlukan termasuklah yang berkaitan dengan soal keselamatan,” katanya kepada pemberita di Universiti Tun Hussein Onn Malaysia (UTHM), dekat sini, semalam.

Terdahulu, Noor Rashid menyampaikan Pingat Jasa Pahlawan Negara kepada 576 pegawai dan anggota polis negeri ini yang bertugas ketika zaman darurat dan komunis.

Hadir sama pada majlis berkenaan ialah Ketua Polis Johor Datuk Mohd Khalil Kader Mohd dan Timbalan Pengarah Siasatan dan Perundangan Jabatan Siasatan Jenayah Bukit Aman Datuk Mohd Zakaria Ahmad.

Sementara itu, berkenaan kes penculikan yang berlaku di Pulau Gaya, Sabah, baru-baru ini pihaknya memandang

serius kejadian itu dan akan bekerjasama dengan pihak berkuasa negara jiran untuk menanganinya.

Kata beliau, walaupun perairan pulau terbabit di luar kawasan Zon Keselamatan Pantai Timur Sabah (ESS-Zone) tetapi tetap mendapat perhatian daripada pihak berkuasa negara ini.

“Pihak PDRM akan terus memastikan ancaman daripada penjenayah daripada selatan Filipina ini dikekang agar penduduknya berasa selamat, sekali gus tiada ancaman daripada penjenayah ini.

“Bagi kes culik yang berlaku baru-baru ini, ia turut membabitkan warga Indonesia dan kita akan bekerjasama dengan pihak berkuasa negara berkenaan untuk menyelamatkan mereka,” katanya.

Berkaitan dengan ahli perniagaan yang dikenali sebagai Jho Low, pihaknya belum melakukan tangkapan kerana



individu berkenaan berada di luar negara.

Kata beliau, pihaknya tidak boleh mencerooboh kedaulatan negara lain hanya kerana mahu menangkap seseorang dan perlulah mengikut undang-undang sesebuah negara.

“Kita akan membuat permohonan melalui Interpol untuk menangkap ahli perniagaan ini...kita akan mendapatkan kerjasama daripada mereka (Interpol) kerana kita tidak pasti dia di mana, serta juga akan mendapatkan kerjasama daripada kerajaan negara di mana dia berada,” katanya. — Bernama

ANUGERAH PINGAT: Noor Rashid (kanan) menyematkan Pingat Jasa Pahlawan Negara (PJPN) kepada Md Yusof (kiri) pada Majlis Istiadat Penganugerahan Pingat Jasa Pahlawan Negara Kontinjen Johor di Universiti Tun Hussin Onn Malaysia Parit Raja di Batu Pahat, semalam. — Gambar Bernama





13 Sep 2018
Utusan Borneo Sarawak, Malaysia

Author: No author available • Section: News • Page: 14 • Printed size: 360.00cm²
Market: KL • Country: Malaysia • Photo: Black/white • ASR: MYR 1,342.00
Item ID: MY0033732310



 isentia.mediaportal

Provided for client's internal research purposes only. May not be further copied, distributed, sold or published in any form without the prior consent of the copyright owner.

Page 3 of 3

SUMMARIES

BATU PAHAT: Polis Diraja Malaysia (PDRM) menafikan pihaknya memantau manamana peralatan komunikasi milik kerabat Johor termasuk milik Tunku Mahkota Johor (TMJ) Tunku Ismail Sultan Ibrahim. Timbalan Ketua Polis Negara Tan Sri Noor Rashid Ibrahim turut menyatakan pihaknya juga tidak memantau media sosial milik Tunku Ismail termasuklah e-mel baginda. ICatanya, PDRM kini lebih memberi tumpuan kepada pemantauan aktiviti yang lebih menjurus kepada yang berkaitan dengan kese lama tan negara seperti kumpulan ekstremis dan pengganas.